



• EDITORIAL • RÂL VÊNGTU • CHHÛNGKAW CHANCHIN

- » Presbyterian Bible School Farewell & Dedication
- » Synod Mission Board hnuai Missionary lâk tharte
- » MSSU chungchang thu thar

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXIII

No. 12

E-mail: synodnews@gmail.com

DECEMBER, 2018

LÂWRKHAWM

ATC DAY VAWI 53-NA LAWMNA

Aizawl Theological College chuan November 26, 2018 (Thawhṭanni) khân College Day vawi 53-na lawmna hun an hmang. ATC Day-ah hian 2017-2018 Session chhûnga zirlai tiṭha zualte hnênah Synod Secretary (Sr) Upa R. Dêngzîkpuian Proficiency Award leh Subject hrang hrang a tiṭhate chawimawina a hlân a ni. Academic Session liam taa BD first class-a zo, Students' Body President kal chhuak ta, Zosangliana Rokhûm hnênah "Best Outgoing Award" hlan a ni a; Bachelor of Christian Studies (BCS) zir chhuak mi 8 hnênah degree hlan a ni bawk.

Tûnah zirlai 177 an awm a, mipa 136 niin, hmeichhia 41 an ni a. B.D zirlai 107; M.Th ah 61, D.Th ah 6 leh DCPC ah mi 3 an ni.

PC WALES MODERATOR-IN SYNOD OFFICE A TLAWH

Synod Inkhâwmpui Vawi 95-na chhima lo kal Presbyterian Church of Wales General Assembly Moderator Brian Mathews te nupa chuan ni 10.12.2018 khân Synod Office Devotion an hmanpui a, Synod Office hmingin ngaihhruina thilpêk hlan a ni. PC Wales Moderator chuan an ram mipui hawiher chuan rinna phatsanna lam an hawi thui tawh avângin Kohhranhote ṭawngṭaipui zêl tûrin thawktute a sâwm a. Sr. Executive Secretary Rev. Lalramliana Pachuauvin lawmna thu sawiin inlaichinna ṭha kan neih zêlna kawnga ṭan lâk zêl pawimawh a tih thu a sawi bawk.

PTSS ZIRLAIBU TIHDIKNA

Kum 2019 Puitling Sunday School Zirlaibu (Chanchin ṭha Hril) bu chhûng computer-a siam remnaah a chhûng thua 'zirlai' tih thumal ṭhenkhat, hawrawp tē tûr chu hawrawppui veka chhut a lo awm nual a, a phêk chung thupui dah tûr hawrawppuia siam chu a chhûng thua a lo lût palh a ni. A pawikan ti a, tihsual palhah chhiartute hriatthiam leh ngaihdam kan ngên e.

– PRESCOM & SL & PB Office

SYNOD INKHÂWMPUI VAWI 95-NA A ṬIAK TA

- * PC Wales Moderator leh a nupui an lo kal, palai zawng zawng 2,092
- * 2019 Synod Inkhâwmpui thlengtu tûr - Mission Vêng Bial

Kumin 2018 Synod Inkhâwmpui chu December 4–9, 2018 chhûng khân Electric Vêng Kohhran Biak Inah hman a ni a, palai an kal ṭha hle. A thlengtu Bialin palai an chhinchhiah dân chuan, palai kal zawng zawng hi 2,092 an ni. Kumin hi Synod hotu thar tûr leh Board/Committee hrang hranga member, kum thum atâna ruat thar kum a nih avângin Nomination thu ngaihtuah hun hi kum dang aiin a rei deuh a, chuti chung chuan hun dang ruat belh lovin rorêl chu December 8, 2018 (Inrinni) tlâi dâr 5:00-ah zawh a ni. Synod Inkhâwmpui thlenna tûr hi a hma kum thumah lo ruat lâwk zêl a ni a, 2019 Synod Inkhâwmpui thlengtu tûr chu Mission Vêng Bial an ni a, Mission Vêng Kohhranah hman a ni ang.

Kumin Synod Inkhâwmpuia hian Puipate chu hêng mite hi an ni:	Secretary (Jr.)	: Rev. Vânlalrova Kiangte, MTC	
Moderator	: Rev. R. Lalhmingthanga, Mission Vêng	Fin. Officers	: Rev. B. Sângthanga, Executive Secretary
Secretary (Sr.)	: Upa R. Dêngzîkpuia, Maubâwk		: Rev. Lalramliana Pachuau
Secretary (Jr.)	: Rev. R. Vânlalngâka, Synod Rescue Home	Statistician	: Upa C. Lalbiakthanga, Bâwngkâwn
Fin. Officers	: Rev. P.C. Pachhûnga, Executive Secretary	Sr. Exe. Secy	: Rev. Lianhmingthanga Sailo
	Rev. H. Remthanga, Mission Vêng	Exe. Secretary	: Rev. B. Sângthanga
Statistician	: Rev. R. Lalnunluanga, Chawnpui		
Exe. Secretaries	: Rev. Lalramliana Pachuau		
	Rev. B. Sângthanga		

Kum 2019 Synod Puipa tûrte hetiang hian ruat an ni bawk:

Moderator	: Rev. R. Lalchangeliana, Dâwrpui
Secretary (Sr.)	: Rev. R. Vânlalngâka, Synod Rescue Home

Inkhâwmpui thurêl langsâr deuh

1. Synod Sum vawn hrang hrang endiktu tûr (Auditor) atân mi 26 ruat an ni.
2. PCI hnuai Synod dangte leh Synod-in a palaitawnpui kohhran hrang hrang kohhran 13-a Synod aiawha palai tûr mi 26 ruat an ni.
3. Synod hnuai Board/Committee hrang hranga ṭhu tûr, Presbytery-in an ruat bâkah Synod ruata ṭhu tûr mi 117 ruat thar an ni a, ruat zînga ṭhenkhat hi chu a hmaa lo ṭhu tawh awm zui leh tûr an ni.
4. Kum 2019-a Pastoral Ministry Thupui atân "Thlarau Rah – Insûm theihna" (Gal 5:23b) thlan a ni.



Phek 2-naah zawm...

SYNOD Newsletter

EDITORIAL STAFF

Rev. Dr. C. Chawngmingliana
Rev. PC Pachhônga
Upa H. Ronghâka
Rev. R. Laldinthara

Editorial

THLÎR KÎR LEH THLÎR LÂWK HUN

Kum tâwp kan lo thleng leh dâwn ta reng mai. Mi tinin kan chêt vênna thlîr kîr tûr kan nei theuhvin a rinawm a, kohhran leh a chhônga pêng hrang hrangte pawhin kan rawngbâwlna thlîr kîr nân hun tha a ni. Kum khat chhônga kan thil lo tihte thlîr lêt ila, a that dân leh a that tâwk loh dante ngun taka ngaihtuahin, tih leh zêl tûra tha zâwk min hriattirtu tangkai takah i hmang ang u.

Kum tâwp lam hi kum thar atâna inbuatsaihna leh hma thlîr siam hun a ni baw. Tih atâna tha, tihhlawhtlin dân tûr leh hma lâk dân tûr te duang thei ila duhtusâm a ni. Synod hnuai rawngbâwlna pêng (Department, etc.) hrang hrangte chuan nakkum (2019) April thla aţanga 2020 March thla thlenga an hma lâkna tûrte ngaihtuah lâwkin, chûng atâna sum hman tûrte pawh budget-ah an dah a, Synod Inkhâwmpui 2018-in a pawm a, an lo tum lâwkte chu tihputling tûrin ke an pên thei dâwn ta a ni. Kohhran mal pawhin a theih chin chinah hetiang inruahman lâwk hi chîng thar zêl thei ila a tha khawp ang.

Mi mal leh chhôngkua pawhin kum thar lo thleng tûr atân hian ruahmanna siam lâwk a tha hle. Kum thar leh hun thar inher hi insiam that nân leh hmasâwnna kawnga ke pên hun atân tangkai taka hman theih a ni a, kan thil chîn tha lo bân san hun atân te, tih atâna tha tih tan hunah te hman i tum ang u.

Kum hluia kan tih theih loh tih atâna tha si Bible chhiar leh fianrial tawngţai hun tam zâwk nei tûra inruahman lâwk te hi thlarau lama inbuatsaih lâwkna tha tak a ni tih i hria ang u.

Phek 1-na zawm...

5. Kum 2019-ah Pasoral hnuai thawk tûr Probationary Pastor 10 lâk leh tûra tih a ni.
6. Mizoram chhôngah Pastor Bial thar pahnih – New Vervek Bial leh Sakawrtuichhûn Bial hawn thar tûra tih a ni.
7. Synod Executive Committee-in hna bîk thawk tûra a lo tih tawh Minister/Pastor-te bâkah Minister/Pastor 70 chuang zet an awmna sawn tûra tih an ni a; Pro Pastor thawk lai 24 nemngheh niin an zînga 15-te hi Pastoral hnuai thawk tûr an ni a, Synod Mission Board hnuai thawk tûr paruk leh Manipur Area-a thawk tûr pathum an awm baw. Hêngte leh Pro Pastor thawk lai hmun siam remte nênsawn tûra tih zawng zawng hi 110 vên an ni.
8. Probationary Pastor hna thawk tûr 17 lâk thar an ni a, an zînga 10 hi Pastoral hnuai thawk tûr an ni a, SMB hnuai pah, Manipur Area atân pahnih leh Tripura Provisional Synod atân pakhat.
9. Vellore Mizoram House-ah Staff Nurse dah tûra rên a ni a.
10. Synod hnuai thawk tûr lâk zûk leh hmuama fihlîmte chauh lâk tawh tûra tih a ni.
11. Home Mission North-a Synod rawngbâwlna chu mumal leh tha zâwka kalpui tûra rên a ni a.
12. Tunlai thiamna hmanga fa nei chungchônga inkaihruaina ennawn remtih a ni.
13. Synod Hospital Charity Fund atân Pathianni zân wawi khat thawhlâwm pêk tûra tih a ni a.
14. Mizo Kristian Inneihna Dân chu Indian Christian Marriage Act-in a pawm theih tûra hma lâk tha tih a ni.
15. Champhaiah Synod Rescue Home din remtih a ni a.
16. Central Service-a Mizo tling an tam theih nâna hma lâk tha tih a ni baw.
17. Hunthar Pastor Bial chhônga zû leh ruihhlo zuarte puala beihpui thlâk remtih a ni a.
18. Missionary lâk tharte training hun chhông tûna kalpui mêk aia reia tih tha tih a ni.
19. Bial Sunday School Secretary-te term, kum thum ni thîn chu kum 2019 aţangin kum hnih ni tawh tûra tih a ni.
20. Ruihhlo do kawngah tûn aia chak zâwka hma lâk remtih a ni a;
21. Synod Partnership Committee dinmun en thata tihchak remtih a ni.
22. Sawrkâr aţanga mi mal dinmun tihchian nâna kohhran hriatpuina phût thîn titlêm emaw, titâwp emaw tûra kawng zawn remtih a ni.
23. Pastor Quarters chhông thum dân tihchian tûra tih a ni a.
24. Mizoram Presbyterian Kohhran din ni, January ni 11-ah inkhâwm buatsaiha urhsûn taka hman remtih a ni.
25. Birth control avônga nau piang tlêm tial chungchôngah tûn aia nasaa Mizo pian

pun zêl theih nâna hma lâk tha tih a ni.

26. Chapchâr Kût leh puah chawp kût chi hrang hrang hman chungchônga kaihhraina/thuchhuah siam thar remtih a ni.

27. Arunachal & Assam Mission Field North Headquarters Aalo chu Pasighat-a sawn tûra tih a ni.

28. Presbyterian Church of Myanmar (PCM) leh Mizoram Presbyterian Kohhran rawngbâwl ho dân tûr ruahmanna siam chu tihdanglam ngai leh siam that ngaite SEC-in a khawih hnuah hman nghâl tûra rên a ni.

29. Synod hnuai thawk tûr nghette hlawn en thatna, Synod Pay Commission Report 2018 chu a thuphungin pawm a ni a, belh ngai leh zût mâm ngaite chu SEC bawh zui tûra dah a ni.

30. Synod Hospital Board-a ex-officio member atân John William Hospital Superintendent telh remtih a ni a.

31. Aizâwl khawpui leh a vênna Synod Revival-in Nehemia Operation a kalpui chu chak leh zâu taka hma lâk zui remtih a ni baw.

32. Department/Board/Committee inkaihhraina hman mêk thenkhat en nawn remtih a ni a, chûngte chu Synod Sum Vawn Dân, Barak Area Enkawl Dân leh Synod Social Front Inkaihhraina te a ni. En thatna chu nakkum Synod-a thlen leh tûr a ni ang.

Synod Inkhâwmpui thurêl tam zâwk hi bawh zui ngai a nih avôngin SEC bawh zui tûra dah deuh zêl a ni a, hêng zîngah hian Synod Inkhâwmpuia ngaihtuah leh tûra thlen leh tûr pawh a awm.

SEC-in kum 2019-2020 chhônga sum hmuh leh hman tûra a ruahman chu pawm a ni a, a tlângpuiin hetiang hi a ni:

Pastoral-ah	Rs. 1,96,27,82,000.00
Mission-ah	Rs. 1,11,42,61,000.00
Total	Rs. 3,07,70,43,000.00

Synod Inkhâwmpui Vawi 95-naah hian nikum Synod leh kumin Synod inkâra Minister thi panga sùn an ni a, Minister/Pastor pension-a chhuak tûr 10 an awm a, thawk tûr dang pension-a chhuak tûr 28 an awm baw.

Synod Inkhâwmpui palaiten rorêl an taima hle tih a lang a, Biak In leh a vela thutna a khat deuh reng. A thlengtu Electric Vêng Pastor Bial hi mikhual dawnsawn leh inkhâwmpui atâna thil tûl buaipui thuah te, ei leh in lam leh lirthei che vên khuakkhirhna ruahman vênah te an fakawm hle. Synod thlen lehna tûr ruat sa hetiang hi a ni:

2019-ah Mission Vêng Kohhran Biak In (Mission Vêng Bial)

2020-ah Dâwmpui Kohhran Biak In (Dâwmpui Bial)

2021-ah Republic Vêng Kohhran Biak In (Republic Vêng Bial)

Râl Vêngtu

Sipai Officer tûra lâk tharte chu Râl Vêngtu hnênah an lo kal khâwm a. "Râl Vêngtu, keiniho hi râl hmatâwngah râl vêng tûra lâk thar kan ni a. I kaihhruai fe kan ngai dâwn a ni. Fuihna leh thurâwn min han pe teh khai," an rawn ti a. Râl Vêngtu chuan, "In va duhawm thuau thuau tak êm! Ka lawmpui tak zet che u. Theih tâwp chhuahin râl chu i vêng ho ang u hmiang," tiin a chibai diat diat a.

Râl Vêngtu chuan thahnemngai taka fuihin thurâwn a pe a:-

1. "Sipai Officer atâna thlangtute hmaa inngaitlâwm tak leh thuhnuairawlh taka in awm ang khân in râl vênna hmunah pawh awm zêl ang che u. Chinghne berâm vun sin angin awm suh ang che u.
2. Sipai Officer tûra in interview laia in sakhaw mina leh Pathian leh mipui in hmangaihna kha bânsan hauh suh ang che u.
3. Kohhran, ram leh hnam himna leh hmasâwnna in ngaih pawimawhzia kha vawng reng ula, hna pui berah neih tlat ang che u.
4. In vên him tûr mipuite hi zahin ngai pawimawh hle ang che u.
5. Ram leh hnam humhim tûr chuan dikna, huaisenna leh tan rualna a pawimawh.
6. Pathian râlthuum famkima inthuamin râl vêng tlat ang che u. 'Lalpan khawpui a vên loh chuan a vêngtu chu a meng rim thlâwn mai a ni' tih a nih kha.
7. Râl vêng tûra lâk in nih ang ngeiin râl vên hi in hna pui ber a ni tih hria ula, savawm khuai la ang maiin in tih tûr berah hian bûr ngar ngar ang che u." a ti a.

Sipai Officer atâna lâk tharte chu hlim takin an hâwng ta diah diah a.

SYNOD HOSPITAL, DURLÂNG OCTOBER, 2018 CHHÛNGA THILPÊK DAWNTE

I. CHARITY FUND

1. West Phailêng Kohhran	Rs	5,000/-
2. Hnahlan Kohhran	Rs	5,000/-
3. Hmârthlang Presbytery	Rs	50,000/-
4. Sateêk Kohhran	Rs	10,000/-
5. Upa Lalchâmliana, Búngkâwn, Aizâwl	Rs	15,000/-
6. Sesawng Bial Kohhran Hmeichhia	Rs	5,000/-
7. Zorinawmi, Zârkawt	Rs	3,500/-
8. UPC (Mizoram), Durlâng Bial	Rs	10,000/-
9. Sacrament Dept., Chawnpui Vêngthlang Kohhran, Aizâwl	Rs	1,500/-
10. Zânlâwn Kohhran	Rs	5,000/-
11. Pu R.Lianhnûna, Biate	Rs	1,000/-
12. Upa B.Lalrinkima, Govt. Complex, Aizâwl	Rs	1,000/-
13. Khuangpuiâm Kohhran Hmeichhia, Kolasib	Rs	3,000/-
14. Lungdai Kohhran	Rs	1,000/-
15. Khawruhlian Bial Pavalai Pâwl	Rs	2,000/-
16. Diakkâwn Kohhran, Kolasib	Rs	50,000/-
17. Champhai Vêngthlang Kohhran Pavalai Pâwl (An kum 10 tiin lawm nân)	Rs	5,000/-
18. S. Sabual Kohhran	Rs.	3,000/-

II. THISEN PETE

1. KÏP, Bethlehem Vêngthlang Branch, Aizâwl	PEK ZÂT	23
2. Vestige Heart to Heart Foundation, Khatla		18
3. KÏP, Thakthîng Branch		18
4. Khatla Kohhran		32
5. KÏP, College Vêng Branch		35
6. KÏP, Keifâng Bial		47
7. KÏP, Mission Vêng Branch		51
8. KÏP, Hlimen Branch		14

III. GRACE HOME TÂN

1. Armed Vêng Bial Kohhran Hmeichhia, Aizâwl	Rs	10,000/-
2. Kanan Vêng Kohhran Hmeichhia, Aizâwl	Rs	10,000/-

4. YMA, Dawrpui Branch, Aizawl	Mitthi khuhna puan 30
5. Pi Lalzidingi, Durltang Venglai	Mitthi khuhna puan 5

IV. THIL DANG PETE

1. Dr. Rualthankhûma, Synod Hospital	Damlo ei tûr Iskut thahnem tak Thutthlengsei 5 Chapel thutthleng siam nân Rs 5,000/- Chapel thutthleng siam nân Rs 5,000/- Thutthlengsei 5
2. Kepran Pavalai Pâwl	P.C Rohmingthanga hriatreng nân Rs 50,000/-
3. April Lalmalsâwmi, Thakthîng Vêng	Eye Camp tanpui nân Rs 500/-
4. Thangnovi, Dawrpui Vêngthar	Rs. 2,000/-
5. D.P.O, Saitual	
6. P.C Lalmangaihthanga, Chaltlâng Salem Vêng	
7. K.C Zothanmawii, Chaltlâng, Aizawl	
8. Rûlchâwm Kohhran Hmeichhia	

VI. PAWISA DAWN ZAWNG ZAWNG -

I. Rs	1,76,000/-
II. Rs	20,000/-
III. Rs	62,500/-
Total	Rs 2,58,500/-

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrûksak baw a ni.

Sd/-
(REV. R. RAMDINMAWIA)
Chaplain, Synod Hospital, Durlâng.

MSSU HRIATTÎRNA

A hnuaia târ lan MSSU Committee rawtna hrang hrangte hi Synod Executive Committee chuan a pawm a, Kohhrante kan inhriattîr e (MSSU Comm. 162 of 24.10.2018; SEC 275 of 13-15.11.2018).

1. Inkaihhraina lam

(1) Beginner-a kai tûr: MSSU Inkaihhraina Bung 1:6 (ii), "Sunday School kum hi ni leh thla bi kim kher lovin, Mizo kum chhiar dâna chhiar tûr a ni a. Beginner-a lût thar tûrte chu kum thum pumhlûm tawh, kum lina hmang mêkte an ni," tiin.


(2) Chawimawina pêk dân: MSSU Inkaihhraina Bung 8:1, Chawimawina chi hrang hrangte: "MSSU hnuaia a phûte hnêna pêk tûrin chawimawina chi hrang hrang a buatsaih a," tiin.

(3) Zirtirtu ruat chungchâng: MSSU Inkaihhraina Bung 2:11, "Kum thara zirtirtu

tûrte chu Sunday School Committee ding lai emaw, Sunday School Committee tharin emaw ruat thîn se," tiin. (Inkaihhraina Rivised & Enlarged chhut mêk a ni).

2. Khawvêl Sunday School Ni

Aizâwl Central Presbytery aţangin, "Khawvêl Sunday School Nîah hian Beginner-Junior leh Intermediate-Senior Department-te zir tûr a hranga buatsaih ni tawh rawh se," tih chu MSSU Committee chuan ţha a ti a. Synod Executive Committee-ah a thlen a. SEC chuan pawmin kum 2019 aţanga hman ţan ni se, a ti bawh.



(REV. P.C. PACHHÛNGA)
Executive Secretary, i/c MSSU, etc.

PBS FAREWELL & DEDICATION VAWI 44-NA

Presbyterian Bible School chuan Nov. 26, 2018 chawhnu dâr 1:00 khân Batch 44-na pualin Farewell and Dedication Programme Pi Zaii Hall, Synod Conference Centre-ah an hmang.

Programme hi Rev. B. Sângthanga,

Executive Secretary in kaihhruaiin zirlaite hlanna hun hmangin thuchah a sawi bawh. Batch 44-naah hian zirlai 60 an awm a, 57 ten ţha takin an pass a, exam lo 2 leh fail 1 an awm a ni. Exam-a tiţa zual pathumna thlengin lâwmman pawisa fai leh lawmpuina thuziak PBS Committee hminga hlan an nih bâkah Pu C. Awithanga Award pawh hlan an ni bawh.

SYNOD MISSION BOARD HNUAIA MISSIONARY LAK THARTE

Synod Service Board chuan kum 2019 chhûnga Synod Mission Board hnuai Contract Missionary hna thawk tûrin a hnuai mite hi a la a, an thawhna tûr chu Synod Mission Board-in a siam fel ang (SSB 26:3 of 1.12.2018). Dilna theh lût 328 aţangin mi 309-in screening test an bei a, interview tûrin 150 an tling a. Hêng Missionary lâk tharte hian ni 9.1.2019 aţangin Orientation Class an ţan ang.

1. Lalrintluangi Renthlei, B.Miss. d/o Hmingthanzauva. Chaltlang	30. Angela Rosangkimi, B.Sc., C.Th. d/o Zohmingthanga, Serkhan	59. Laldinchungi d/o R. Lalthanga, Suangpuilawn
2. Marina Lalrinmawii, B.Sc.(Nursing), DCA d/o Lalnova Ralte, Luangmual	31. B. Lalhriatpuii, B.D.(Hindi) d/o B. Vanlalhruaia, Biata	60. Lalnunmawii, HSLC, C.Th. d/o Zirsangliana (L), Chhiahtlang Venghlun
3. Ricky Thanbanglova, M.A.(Eco) s/o R. Lalengmawia, I.T.I Vengchhak	32. K. Lalchhuangliana, B.Com. s/o K. Chuanthata, Tlabung Chawnpui	61. Lalthansangi, B.A. d/o Chawimawia, Ruallung
4. Gospel Lalnunziri, M.A., CCC d/o Lalrema, Salem Boarding	33. Lalrinawma, HSLC s/o Lalsangpuii, Tlangnuam West	62. Remlalliana, HSLC, C.Th. s/o Upa Sangkunga, Bethlehem, W.Phaileng
5. Lalliansangi, M.A. d/o Lalhmachhuana, Farkawn Chhim Veng	34. Vanlalruati, B.A. d/o Vanlalchhuanga, West Phaileng	63. Lalrinnungi, B.A., C.Th. d/o Lalchungnunga, Lungdai Hmarveng
6. Lalruatdiki, M.Sc. (Biotech.) d/o M. Sawmliana, Ramhlun Venglai	35. Malsawmtluangi, B.A. d/o TC Lalremsanga, New Chalrang	64. K. Zothanpuia, HSLC s/o K. Vanlalhruaia, Keifang Police Veng
7. Lalsangpuii, HSSLC, GNM d/o H. Zairikhuma, Champhai VT North	36. R. Lalramthara, HSLC s/o Lalrema, Sihphir Venghlun	65. Lalfakawma, HSLC s/o Vanlalchhunga (L), Chawngtlai
8. David Hmingthansiam, M.A., B.D. s/o Rosangluaia, Thakthing, Aizawl	37. F. Lalbuatsaiha, B.A. s/o Upa Siamliana (L), Chhingchhip Venghlun	66. Lalhriatrengi, HSLC d/o Upa Tlangchhawna, Rabung
9. Albert Chawngthanzama, B.Miss., B.D. s/o Lalthlanchhunga, Bawngkawn	38. Gospel Lalruatfeli, B.A. d/o Lalringliana, Salem Boarding	67. Lalrelfela Ralte, HSLC, C.Th. s/o Zirsangliana, Ramhlun Venglai
10. Lucy Lalrintluangi Sailo, HSSLC d/o Kapmawia Sailo, Chanmari, Aizawl	39. Lalbiakveli, HSLC, C.Th. d/o Zachungnunga, Kelsih	68. Laltlanzova, B.A. s/o Lalfamkima, N. Lungleng
11. Melody Lalnuanpuii, B.A.(Hindi) d/o Lalthansanga, Kolasib Venglai East	40. Lallianmawia s/o T̄uanhleipuma (L), Tuipui	69. Chawngthansanga, B.A. s/o C. Lalthangliana, Champhai Dinthar
12. Lalremruata, HSSLC s/o RL Thianga, Bungkawn	41. M.S. Thanghlupuii, HSSLC d/o Sanghmingliana, Kawrthah	70. Lalhriatpuii Sailo, B.A., C.Th. d/o Lalhmingliana Sailo, Tuikual South
13. R. Lalfakawma, B.Miss. s/o Lalrintluanga, Bethlehem Vengthlang	42. Vanlalhruiapuii, B.A. d/o Lalhmangaihzuala, Ruallung	71. Lalhunruati, HSSLC, C.Th. (M&H) d/o Lianmawia, Chhiahtlang Venghlun
14. Lalhruiamawia, HSSLC, ITC Trained s/o Lalmalsawma, Phuaibuang	43. Laldawngkima, B.A. s/o Zonunthara, Bawngkawn East	72. Lalruatkima Ralte, B.A. s/o Vanlalzika Ralte, Serchhip, Hmar Veng
15. Lalruatpuii Fanai, B.A. d/o Lalhmingthanga, Chhinga Veng	44. Lalnunpuia, HSLC s/o K.B. Pachhunga, Phuaibuang Vengthar	73. Lalliansangi, HSSLC, HSLC (Hindi) w/o Lallianbuanga, Tlabung Chawnpui
16. P.C. Lallawmzuali, M.A. d/o Niliana Pachau, Biata	45. Lalrempuii, B.A., C.Th. d/o James Zosangliana, Saikhamakawn	74. Lalsiamliana, HSSLC, C.Th. s/o Thangchungnunga, Khuangthing
17. V.L. Hmangaihkhima, M.A. s/o Thangchuanga, Champhai Hospital Veng	46. S. Lalnuankima, B.A., CCA d/o Lallianzara, Bethlehem North	75. Ramtharngkhi Chawngthu, B.A. d/o C. Vanlalmuana, N.E. Khawdungsei
18. Esther Lalrinhlui, B.A. d/o C. Lalvena, Tuikual South	47. B. Malsawmdawngkimi, B.Sc.(Nursing) d/o B. Lalramlawma, Lungdai	76. T. Lalhminghlui, HSSLC d/o Ralkhuma, Seling
19. H. Lalrinchhani, HSLC d/o H. Lalramsanga (L), Ngopa	48. Jasmine Lalnunziri, B.A. d/o Ngurchhuani, Diphu Kohhran	77. Abisak Lalramhluni, HSLC, C.Th. d/o NG Lalhmangaiha, Sairang Dinthar
20. Zaparmawii, HSSLC, C.Th., Dip.E.T. d/o Upa H. Sangliana, Sialsuk	49. Lalremruatpuii, B.Com. d/o Lianmawia, Chhiahtlang Venghlun	78. Liansianzo, B.A. s/o Chinzado, Ngaizawl
21. C. Thanzami, C.Th., CCA, B.A. d/o Upa C.Vanlalvena, Teikhang	50. Lalrinchhani, B.A., C.Th. d/o Lalrema, Sairang	79. Nancy Lalhmangaihzuai, B.A., C.Th., DCA d/o Zirsangliana, Vairengte
22. Chanchinmawia, HSLC, CCA s/o T. Manga, Bawngkawn	51. F. Lalzikpuii, HSSLC, C.Th. d/o F. Zarzolia, Khawhnai	80. Salem Lalvenhimi, HSLC d/o Upa K. Laltlansanga, Ramlaitui
23. Lalremfela, B.Miss., C.Th. s/o Lalneihliana, Mualpheng	52. Lalhriatpuia s/o Biaksiam (L), Kolasib Venglai	81. Vanlalhmangaihzuai, HSSLC, C.Th. d/o Rohmingthanga, Reiek
24. P.C. Lallianmawii, HSLC d/o Thantluanga, East Phaileng	53. Lalruatluangi, B.A., B.Miss. d/o JH Lalenthanga, Serchhip Kawnpui	82. V.L. Ramengmawii Ngente, HSLC d/o Rochungnunga Ngente, Kawrthah Vengpui
25. Vanlalhumhima, HSSLC s/o Rothangpuia, Kulikawn East	54. Laltharliana, B.Miss. s/o S. Lalmama, Chanmari 'W' Aizawl	83. Imanuel Lalramhlui, B.Com. d/o R. Engmawia, East Lungdar Venghlun
26. Lalhmingchhuangi, HSSLC, B.A.(Hindi) d/o Lalrosanga, Daido	55. P.C. Lalchhanhimi, M.A., DCA d/o PC Lallawma, Ngaizawl	84. Lalchhanchhuahi d/o T̄uamlianmanga, Mualvum
27. Lalruatfeli, M.Sc. d/o Upa C.Lalrinmawia, Kelsih	56. Vanlalruatpuia s/o Lalţanpuia, Tuidangchhuah	85. Malsawmkimi, HSLC d/o Vanchhunga (L), Serchhip Vengchung
28. Ngurthanmawii, B.A., C.Th. d/o C. Rohmingthanga, Lawngtlai Chanmari	57. H. Lalramthara, C.Th. s/o Bawihhnuna (L), Mission Vengthlang	86. Malsawmtluangi, B.A. d/o H. Vanlalrawna, Thanglailung
29. Zaihangpuii, HSSLC, C.Th. d/o H. Lalrinkima, Phulpui Field Veng	58. Jonathan Lalrinzuala B.A., C.Th. s/o Ramhmunsanga, Chhiahtlang Chhim veng	

SPECIAL CAMPING

Synod Revival Committe hnuai Operation Nehemia	Ziaktute hnênah inhriattîr tûr a ni e.
rawngbâwna kal zêlah zu leh ruihlo ngaite pualin Revival leh	A hmun : RCC, Sihphîr Neihbawii; A hun: January 7-19, 2019
Chanmari Kohhran ţangkawp chuan Special Camping a buatsaih	Speaker : Pu Vânlalvuana (Kraws Hnehna Puangtute Team)
dâwn a. Mi 200 chauh he camp-ah hian luh theih anih dâwn	Camp luhni : 7.1.19 dâr 1-4 PM
avângin a mamawhte chuan a rang lamin Chanmari Kohhran	Chhuahni : 19.1.18 dâr 9:30 AM; Follow up : 19-20.1.2019